

Na osnovu člana 118. Zakona o radu (»Službene novine Federacije BiH« br.26/16, 89/18), član 94. Zakona o osnovnom odgoju i obrazovanju (»Službene novine Kantona Sarajevo« br. 23/17 i 33/17), člana 179. Kolektivnog ugovora za djelatnostpredškolskog odgoja i osnovnog odgoja i obrazovanja u Kantonu Sarajevo (»Službene novine Kantona Sarajevo« br.4/18) i člana 130.Pravila JU OŠ »« Sarajevo, uz prethodnu konsultaciju i saglasnost Sindikalne podružnice škole, Školski odbor škole je na 24. sjednici održanoj dana 22.10.2019. godine, jednoglasno d o n i o

PRAVILNIK O IZMJENAMA I DOPUNAMA PRAVILNIKA O RADU

I. OPŠTE ODREDBE

Član 1.

U Pravilniku o radu (u daljem tekstu: Pravilnik) JU OŠ »,« Sarajevo (u daljem tekstu: Škola) broj: 01-01-209-1/19 od 7.3.2019.godine u članu 129. mijenja se stav (2) i glasi:

»(2) Radnik na odluku direktora ima pravo da uputi žalbu školskom odboru, u roku od 8 (osam) dana od dana dostavljanja odluke.«

Član 2.

U članu 155. iza tačke 3. dodaje se tačka 3a. i glasi:

"3a. PSIHOLOG

Opis poslova:

- neposredna saradnja sa nastavnicima, stručnim saradnicima, direktorom i pomoćnikom u planiranju i realizaciji nastavnog rada,
- učešće u programiranju i planiranju rada, usmjeravanje, praćenje i analiziranje rezultata,
- odgojno-obrazovnog rada, predlaganje i preduzimanje mjera za unapređivanje nastavnog rada,
- rad na uvođenju inovacija, nove nastavne tehnologije, savremenih oblika i metoda rada,
- rad na praćenju razvoja, otkrivanju sposobnosti učenika, predlaganje mjera za veću efikasnost odgojno-obrazovnog rada,
- rad na racionalizaciji procesa učenja, rad i podsticanje društvene i kulturne funkcije škole,
- rad na profesionalnoj orijentaciji učenika,
- vođenje pedagoško-psihološke dokumentacije,
- saradnja sa roditeljima, socijalnim i zdravstvenim ustanovama,
- vrši i druge poslove u okviru stručne sprema a po nalogu direktora i voditelja nastavnog procesa.

Uslovi za vršenje poslova: VSS -VII stepen stručne sprema (ili II stepen bolonjskog ciklusa za psihologe)

Status izvršioca: stručni saradnik

Naziv radnog mjesta: psiholog.

Izbor : U skladu sa Zakonom, podzakonskim, provedbenim propisima i ovim Pravilnikom.

Broj izvršilaca: precizno određen Pedagoškim standardima i normativima,“

Iza tačke 5. dodaje se tačka 5a. i glase:

„5a. RUKOVALAC NASTAVNOM TEHNIKOM I EMIS ODGOVORNA OSOBA

Opis poslova:

- obavlja stručne poslove u području planiranja razvoja informatizacije u školi,
- obavlja poslove održavanja i sigurnosti računarsko-komunikacijske infrastrukture,
- sudjeluje u organiziranju, te koordinira i nadzire aktivnosti nabavke informatičke opreme,
- izrađuje namjenske pakete i elektroničke baze podataka za korisnike mreže,
- organizira, koordinira i nadzire aktivnosti na uspostavi, održavanju i razvoju informacijskih servisa Škole, web, emis, slanje i prijem informacija,
- organizira, koordinira i nadzire izradu i primjenu internih normi, preporuka i pravila ponašanja korisnika informacijske infrastrukture,
- unosi i ažurira podatke na web stranicu škole u saradnji sa direktorom i razrednicima,
- sudjeluje u organiziranju nastave informatike i korištenja kompjuterske i ostale tehnike u funkciji nastavnog rada,
- pruža informatičku podršku neophodnu za odvijanje nastavnog procesa i procesa rada ustanove,
- snima video nadzor i arhivira material za potrebe direktora, Školskog odbora i drugih organa (MUP, vatrogasci itd), te ih izdaje po nalogu direktora,
- vodi računa o ispravnosti kompjuterske tehnike i organizira pravovremeno servisiranje,
- obavještava nadležne o nepravilnostima u korištenju kompjuterske tehnike,
- prati, proučava i primjenjuje zakonske i druge propise iz područja informacijske tehnologije,
- vodi brigu o sigurnosti korisničkih podataka,
- vrši i druge poslove u okviru stručne sprema a po nalogu direktora,
- pruža tehničko-informatičku podršku nastavnom procesu,
- programska izrada rasporeda časova prema elementima u saradnji sa direktorom
- prati i evidentira promjene brojnog stanja informatičke opreme te u slučaju promjena obavještava direktora u pismenoj formi,
- stalni je član inventurne komisije za informatičku opremu te predlaže otpis zastarjele i nefunkcionalne opreme,

Uslovi za vršenje poslova: stručna sprema propisana kao za nastavnike informatike i IT stručnjake

Status izvršioca: pomoćno-tehničko osoblje

Naziv radnog mjesta: Rukovalac nastavnom tehnikom i emis odgovorna osoba

Izbor : Preraspodjelom obaveza nastavnika u okviru 40-satne radne sedmice, a ako na ovaj način nije moguće obezbjediti potreban kadar onda u skladu sa Zakonom, podzakonskim, provedbenim propisima i ovim Pravilnikom.

Broj izvršilaca: precizno određen Pedagoškim standardima i normativima.“

Iza tačke 24 . dodaju se tačke 24a. i 24b. i glase:

„24 a. NASTAVNIK PRIRODE

Opis poslova:

Poslovi ovog radnog mjesta obavljaju se na osnovu Nastavnog plana i programa za osnovni odgoj i obrazovanje, na osnovu Pedagoških standarda i normativa za osnovni odgoj i obrazovanje i na osnovu Godišnjeg programa rada škole.- kao pod C).

Uvjeti za vršenje poslova:

- Predmet Priroda u petom razredu devetogodišnje osnovne škole mogu predavati – nastavnici/profesori razredne nastave ili nastavnici/profesori biologije

Profil i nivo stručne sprema nastavnika utvrđen je Zakonom i Nastavnim planom i programom.

Status izvršioca:

- Nastavnik sa nastavnom normom koja se utvrđuje svake školske godine. Nastavna norma je osnov za zaključivanje ugovora o radu i izmjenu ugovora o radu, zbog izmijenjenih okolnosti.

Naziv radnog mjesta: nastavnik/nastavnica

Izbor : Preraspodjelom obaveza nastavnika u okviru 40-satne radne sedmice, a ako na ovaj način nije moguće obezbjediti potreban kadar onda u skladu sa Zakonom, podzakonskim, provedbenim propisima i ovim Pravilnikom.

Broj izvršilaca: PP (prema potrebi) ,“

24 b. NASTAVNIK/NASTAVNICA DRUŠTVA

Opis poslova:

Poslovi ovog radnog mjesta obavljaju se na osnovu Nastavnog plana i programa za osnovni odgoj i obrazovanje, na osnovu Pedagoških standarda i normativa za osnovni odgoj i obrazovanje i na osnovu Godišnjeg programa rada škole.- kao pod C).

Uvjeti za vršenje poslova:

- Društvo u petom razredu devetogodišnje osnovne škole mogu predavati – nastavnici/profesori razredne nastave ili nastavnici/profesori historije i geografije.

Profil i nivo stručne spreme nastavnika utvrđen je Zakonom i Nastavnim planom i programom.

Status izvršioca:

- Nastavnik sa nastavnom normom koja se utvrđuje svake školske godine. Nastavna norma može biti puna ili nepuna. Nastavna norma je osnov za zaključivanje ugovora o radu i izmjenu ugovora o radu, zbog izmijenjenih okolnosti.

Pozicija radnog mjesta:

- Nastavnik/nastavnica društva

Izbor:

- Preraspodjelom obaveza nastavnika u okviru 40-satne radne sedmice, a ako na ovaj način nije moguće obezbjediti potreban kadar onda u skladu sa Zakonom, podzakonskim, provedbenim propisima i ovim Pravilnikom.

Broj izvršilaca: PP (prema potrebi)

Broj nastavnika/profesora (u daljem tekstu: nastavnik) u nastavi utvrđuje se na osnovu Nastavnog plana i programa, broja odjeljenja, grupa i Godišnjeg programa rada škole/ustanove.

Iza tačke 25. dodaje se tačka 25a., i glasi:

„ 25a. ASISTENT U ODJELJENJU/GRUPI

Opis poslova:

Asistira u odjeljenju/grupi nastavniku u redovnom odjeljenju/grupi, ako se u odjeljenju/grupi i drugim oblicima organizovanog produženog/cjelodnevnog boravka ili drugog rada predviđenog standardima nalaze učenici s poteškoćama u razvoju sa kojima se realizuje individualni prilagođeni program, kao i poslovi u skladu sa Pedagoškim standardima i normativima.

Uvjeti za vršenje poslova:

- VSS – nastavničkog smjera, studenti završne godine nastavničkih fakulteta, pedagozi, psiholozi i socijalni radnici

Status izvršioca: asistent u odjeljenju/grupi .

Naziv radnog mjesta: asistent u odjeljenju/grupi

Izbor: U skladu sa Zakonom, podzakonskim, provedbenim propisima i ovim Pravilnikom.

Broj izvršilaca: PP (prema potrebi), a određen Pedagoškim standardima i normativima.

Član 3.

(Stupanje na snagu)

Ovaj Pravilnik stupa na snagu osmog dana od dana objavljivanja na oglasnoj ploči Škole.

Broj: 01-01-1207-1 /19

Sarajevo, 22.10. 2019. godine

PREDSJEDNIK ŠKOLSKOG
ODBORA

Gazija Jasmin